

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

**Mišljenje na Prijedlog odluke o mreži apoteka u Kantonu Sarajevo, kao i kriterijima,
načinu i uslovima ugovaranja apoteka**

**Sarajevo,
mart 2008. godine**



Broj: 01-01-26-001-95-II/07
Sarajevo, 20. marta 2008. godine

Na osnovu člana 25. stav (2) Zakona o konkurenciji ("Službeni glasnik BiH", br. 48/05 i 76/07), a na zahtjev Kantona Sarajevo - Skupština Kantona Sarajevo, Reisa Džemaludina Čauševića 1, 71000 Sarajevo, za davanje mišljenja na Prijedlog odluke o mreži apoteka u Kantonu Sarajevo, kao i kriterijima, načinu i uslovima ugovaranja apoteka, Konkurencijsko vijeće, na 64. (šezdesetčetvrtj) sjednici održanoj dana 20. marta 2008. godine, je donijelo

MIŠLJENJE

Prijedlog odluke o mreži apoteka u Kantonu Sarajevo, kao i kriterijima, načinu i uslovima ugovaranja apoteka nije usklađen s članom 4. stav (1) tačke c) i d) Zakona o konkurenciji.

O b r a z l o ž e n j e

Kanton Sarajevo - Skupština Kantona Sarajevo, Reisa Džemaludina Čauševića 1, 71000 Sarajevo, je podnijela zahtjev Konkurencijskom vijeću za davanje mišljenja na Prijedlog odluke o mreži apoteka u Kantonu Sarajevo, kao i kriterijima, načinu i uslovima ugovaranja apoteka (u daljem tekstu: Prijedlog odluka o mreži), zaprimljen dana 11. marta 2008. godine pod brojem: 01-01-26-001-91-II/07.

Prijedlogom odluke o mreži, između ostalog, se utvrđuje Mreža apoteka u Kantonu Sarajevo, kriteriji, način i uslovi ugovaranja s apotekama radi popunjavanja predmetne Mreže, djelokrug rada ugovornih apoteka, izdavanje lijekova na teret novčanih sredstava Zavoda zdravstvenog osiguranja Kantona Sarajevo (u daljem tekstu: Zavod), kao i druga pitanja bitna za ovu oblast.

Rješenja Konkurencijskog vijeća, broj: 01-01-26-001-69-II/07 od dana 20. jula 2007. godine, u tački II dispozitiva, je utvrdilo obavezu Skupštine Kantona Sarajevo da izmijeni Odluku o usvajanju Mreže farmaceutske djelatnosti – apoteka u Kantonu Sarajevo (u vremenskom roku od 6 mjeseci) na način da se omogući svim apotekama koje imaju rješenje za obavljanje farmaceutske djelatnosti izdavanje lijekova na recepte osiguranim osobama, na teret novčanih sredstava Zavoda zdravstvenog osiguranja Kantona Sarajevo.

Prema članu 4. stav (1) tačka c) Zakona o konkurenciji zabranjena je podjele tržišta ili izvora snabdijevanja, a članom 4. stav (1) tačka d) istoga Zakona zabranjena je primjena različitih uslova za identične djelatnosti prema drugim privrednim subjektima na tržištu dovodeći takve privredne subjekte u nepovoljan položaj u odnosu na konkurenciju.

Konkurencijsko vijeće je utvrdilo da član 10. Prijedloga odluke o mreži nije usklađen s članom 4. stav (1) tačke c) i d) Zakona o konkurenciji, jer ograničava slobodnu tržišnu konkurenciju.

Konkurencijsko vijeće smatra da član 10. Prijedloga odluke o mreži treba utvrditi da se izdavanje lijekova na recept na teret novčanih sredstava Zavoda, osiguranim osobama

Kantona Sarajevo, vrši u svim apotekama koje imaju rješenje Ministarstva zdravstva Kantona Sarajevo za obavljanje farmaceutske djelatnosti.

Nadalje, potrebno je uskladiti i ostale članove Prijedloga odluke o mreži koje su u suprotnosti s članom 4. stav (1) tačke c) i d) Zakona o konkurenciji, naročito one članove kojim su utvrđeni dodatni uslovi, kriteriji i administrativne zabrane koje trebaju ispuniti apoteke. Odredbe Prijedloga odluke o mreži ne mogu sprječavati, ograničavati ili narušavati tržišnu konkurenciju, u smislu člana 4. stav (1) tačke c) i d) Zakona o konkurenciji, odnosno moraju osigurati svakoj apoteci koja ima Rješenje za obavljanje farmaceutske djelatnosti izdano od Ministarstva zdravstva Vlade Kantona Sarajevo izdavanje lijekova na recept osiguranim osoba na teret novčanih sredstava Zavoda, bez obzira da li su apoteke u Mreži ili van iste.

Naime, da bi jedna apoteka mogla obavljati djelatnost iz oblasti farmacije, neophodno je da dobije odobrenje, odnosno rješenje Ministarstva zdravstva Vlade Kantona Sarajevo. Ovim rješenjem se, između ostalog, potvrđuje da su ispunjeni svi uslovi u pogledu prostora, opreme i stručnih kadrova, tako da dobijanjem ovog rješenja (Ministarstva zdravstva Vlade Kantona Sarajevo) apoteka stiče pravo poslovnog djelovanja u trgovini s lijekovima i farmaceutskim proizvodima.

Izdavanje lijekova na recept na teret novčanih sredstava zavoda je isključivo poslovna odluka svake apoteke i može se regulisati na osnovu zahtjeva dostavljenog Zavodu od zainteresirane apoteke.

Slijedom navedenoga, Konkurencijsko vijeće je donijelo Mišljenje, kao što je navedeno u dispozitivu.

Potrebno je Konkurencijskom vijeću dostaviti novi Prijedlog odluke o mreži usklađen s odredbama Zakona o konkurenciji.

Predsjednik

Sanja Božić